

丹霞山志

四

丹霞山志

四

丹霞山志卷之九

文林郎知仁化縣事疑山陳世英人傑甫纂修

丹霞

釋

今龍角子

棲賢

釋

今遇澤萌

合校

豐南吳壽潛彤本

長沙陶

煊奉長全輯

湘潭劉授易五原

李永茂

字孝源南陽人

丹霞山居三首

雲半結廬夜授經流泉細細曉來聽
天空但立千群竹月落猶餘數點星
鴈陣南飛歸故國螺川西望恨街亭
三岩一出秋容老慚愧閒身泛水萍

二

倚杖鋤茶績陸經
喈喈野鳥傍林聽
客來共踏花間露
老去徒憐髩上星
未聞入州開幕府
空勞午夢立新亭
曾緣多病覓方藥
却熱應須瀚海萍

三

花謝花開逐歲經
松風松雨四時聽
長閒獨賦關

山月小集俄占太史星丹詔一陽瞻鳳輦提書萬
里發號亭孤臣強搢昏朝淚高要峽邊頌野萍

李克茂

字鑒湖南陽人

量泉

挾得新泉迸玉漿持將升勺細思量出蒙先養兼
天力生一卽同百谷王栽樹成陰皆冷冽採山作
岍厚隄防不教飛去興霖雨且蓄澄清待雪霜夜
靜時來松月景春深半落嶺梅香名駿山彼金焦
潤汲少何須江沚長無路飲牛邀逸許誰容花鳥

僞竒莊相期竟日一千步便足道人三萬場寄語
婪婆休駭嘆臣心如水自泱泱

釋今釋

字清歸

喜得丹霞山賦贈李鑒湖山主

十三年前與君別多少披離得相見白眼悠悠不
索憐青山黯黯徒生羨空隱老人坐海幢海螺岩
畔思廻翔乞山酬偈一錯愕左文右武皆荒唐今
朝真見吾山主未曾下口心先與果然一諾重千
金回首紅塵在何許當年文定初尋山

孝源

一條柳

標穿秋烟深林峭壁無不到飛猿墜鳥同盤旋
見丹霞雙撫掌虎潛豹伏龍歸淵君爲賢昆勤卜
築尺椽片石囊俱覆依高俯下出岩扃竹暗松明
藏板屋此山斗絕十里餘蟠江拔地方鄰虛一夫
當險不可上古今治亂無乘除結構纔終又歸去
壁窠爲勒摩崖字分付天龍謹護持木客山魃休
竊據清浪軍漢時出家芒鞋踏破天之涯金輪峰
上纔然頂揚子江心罷試茶貫清堂捧棲賢令脚
挂風箏難自定萬年持鉢了殘經梅嶺扶筇發歸

興粥飯參苓且信緣山林城市長奔命雷峯無客
助新工寶水有人修舊恨旃檀荆棘各叢林珠玉
泥沙同破甑世上薪抽世外爐霜朝面改花朝鏡
自慚薄德暗低頭畢竟由人不自山何時一曲理
孤影雙眼看雲萬事休不謂此山落吾手恰好全
身藏北斗四嶺天王忽現形一林師子俱開口蒲
團坐地百花新琉璃照夜孤峯走獨磬蕭然散白
雲五刑枉煞悲黃狗狂歌爲拜主人翁片片烟霞
千自封敢信入廊猶有事從來挂角更無踪他年

歡喜思今日峯頂月華連海碧同儕笑指翠苔文
一寸孤心千里結弟兄不負二難名賓主須留三
到跡論功若叙魏無知大書莫漏汪鍾石

奉和陸孝山沈融谷遊丹霞原韻

春雨不欲霽山行良亦難使君超方意視若秋旻
寬舍舟戒輿徒岩岫增波瀾度溪逾九曲陟嶽仍
千盤白雲墮澗底忽聞前林端我歸尚先期百丈
爭高灘積風蕩烟靄骨與神俱寒荒村入鴻濛曠
懷成古歡策杖愧未同念之不能餐

其二

更解到山維隨流待嘉客夕嵐下天風雲暗不生
白候人落沙頭聯騎見山脊相對慰泥塗素菴延
蔽席軫公山水情衝寒色彌懌此中亦有路叅頓
倍險窄方舟蹴浪花篙齒嚙墮石炬火列長隄江
影亂明滅荒園且假榻風景半疇昔幽夢舒勞筋
徐理登山屐

其三

鐘聲發朝爽豁落天門開當年危絕梯磴道升崇

臺萬古一石梁設險疑天台有人關廣路窮子忻
歸來峭壁兩相讓山勢無雄猜使君五鳳樓及此
分餘材凌空得壯觀過隙歸緘埃雙堤隱豐林樹
色何佳哉我無雨露功茅鏹敝蒿萊爲公建德標
紫金共崔嵬

其四

炷香繞清磬攝齊過方丈吾師惟僕衷深靜各相
向沉候來朝霞意氣自清壯微言徐引伸疊疊生
跌宕庭戶雖蕭森霽色起踈暘爲道貴日損知公

淡無尚如來有遺身五色紛異狀顧惟同體疑仰
瞻一惆悵不見淨琉璃雲歸春亦放

其五

前來越三載締構咨重遊探岩獲清池倚松結飛
樓洩雲高未散碧影交雙眸補草故難竟分衛何
當周我如負山敢經營骨長憂淨名遺鉢七日
香俱浮新田三百畝子粒登深秋妙嚴十八臂傑
閣開重丘誰爲法長城七載如同舟豈無出塵士
一宿非其謀念此各有當吾亦安吾求

其六

驟君不可陟爲雨無常傾好客不可留爲官有常
程疾雷走山腰疑與蛟龍爭我心得誰安冷風暗
孤檠勝遊未易齊山靈失逢迎不因跋涉勞何由
見深情老人有別緒一語連三更人生會如夢一
夢談無生兩公近道姿春日聞秋聲來朝復衝泥
一念猶磳磳

其七

送別在何所言從護生隄我方理扁舟千峯一時

迷籃輿下白雲玉臺爲之低溯流上窰塘指點前
游蹊北風吹別恨雨色仍淒淒欲別不能言滿口
無端倪吾儕具勝情矯首輕丹梯形役徒相牽載
身任雲霓何時各無事倚杖聽黃鸝廻船復三歎
錦水東流西物外寄所懷渺與孤峯齊虛堂聞決
溜過滕思扶犁

初入丹霞

五年荒草得人鋤捧出天然我亦初曲水屢疑青
嶂奪雄風不受白雲扶鼓鐘競發驟岩夾龍象群

分鷲嶺圖浩刳剖開新世界一爐銘盡舊規模

法堂

寶鏡高懸萬象低千圍百匝一輪齊此峯頂下超
無上群水朝東却向西開口卽知存地位入門何
處問天梯爲看氣宇如王者密密堂堂也不題

望長老峯

佇立偏勞眼角長衣雲千尺蔽扶桑支願獨在兒
孫上辟呬同歸祖父旁量到梵宮俱絕望解開王
髻忽分光自然白月中天處迦葉從來不覆藏

紫玉臺

更上凌虛百尺臺
袈裟左覆掌中開
西流大水雲根決
南至薰風日道來
便擬明湖飛柳絮
漫將滑路委松釵
山川只許人經眼
陵谷誰分片石哀

晚步松嶺

欲選亂枝結蜃樓
烟綃輕幕互沈浮
海山門下枝枝秀
長老峯邊事事幽
已覺須眉隨我大
未知鱗甲倩誰收
因師識得清風起
百頃寒濤挾月流

簫竹坡

簣簣數尺墨斜拖清渭千竿忽涌波脫穎定隨零
露上掃壇時見烈風過體非草木方呈異用在東
南不厭多莫遣兒孫嫌地窄彌天看取綠成窩

芳泉

石上空明鏡影涵爲人流出淡中井碾茶未欲成
龍鳳第水休教落二三力盡鑊邊餘百醉夢回枕
上益清酣錦溪千里朝宗勢一滴俱無不用探

登海螺岩

一徑空懸意悄然錫聲欲過不還天曾爲白馬封